

Universitätsbibliothek Paderborn

Historia Missionis Anglicanæ Societatis Iesv

More, Henry

Avdomari, 1660

Exemplum aliud non absimile, ibid.

urn:nbn:de:hbz:466:1-38320

1594. rat Gerardus Ecclesiæ nobilem quandam in Comitatu Staffordensi: Hic parem sibi familiaremque decumbentem inuitens, suadet ut salute corporis prope iam desperata, sempiternæ animæ saluti tempestiuè prouideat: Annuit æger, & quoniam sciebat aditum in Ecclesiæ gremium primum fieri per Confessionis Sacramentum, quæri sibi Sacerdotem legitimum veheanter postulat; Interim dum quæritur Sacerdos, ingrauelcit ægritudo: Inter mortis angustias anhelat æger ad animæ medicinam; rogit frequenter an promissus ab amico medicus aduenisset: At dum quæritur, moritur: Rechæta à morte vidua, dum nocte se componit ad quietem, videt per cubile errans lumen, modò in aëre vagum, modò intra leæti cortinas fixum: Continuato per plures noctes spectro territa, aduocatum nobilem illum qui marito auctor fuerat ut Catholicè moretur, precatur vti doctos consilat quidnam rei lumen istud portendere existiment. Respondeatur primò, iplam hoc lumine ad Catholicæ fidei lumen inuitari: Non abnuit: Reddita Catholicis, Sacerdotem eo in cubiculo sacris operari voluit, quodà spectro libera eslet: Non liberatur: Sacerdotes inde plures consulti referunt, vero simile esse, Sacramenti votum cum sincera in morte ad Deum conuersione profuisse marito; animam iuuandam esse precibus: curandumque ut tringita diebus continuis Sacrostanto Missæ Sacrificio pro illa oblate propitius reddatur Deus. Nocte quæ trigesimam oblationem est subsecuta, non vntum solum, sed tria apparent lumina, duo quasi sustinentia tertium; quæ cùm intra cortinas aliquamdiu fixa sterissent, ascendendo euanuere; Neque deinde cuiquam sunt visa: Non immerito vero sperasse videtur mulier solatum quietemque quam ipsa ex hac postrema apparitione consecuta est, tanto ampliorem marito tributam, quanto sunt maiora, quæ defunctos, quæ viuos comitantur gaudia.

XII. Cornelius itaque in ea Insulæ Regione quæ sole occiduum spectat, pietatis, & constantiæ radios viuens morientque diffudit: Robertus Southwellus & Henricus Walpolus Meridiem, & Septentrionem (animi sequentis exordio) virtutis & robotis pari honore condecorarunt, ille Londini, hic Eboraci, inuictorum orientis Ecclesiæ Martyrum æmuli, & eo quo ardebant animo fidei propagandæ causâ asperrima quæque subeundi, & gloriâ quam gressus in Sancto fine consecuti sunt immortali. Richardus Southwellus inter Septentrionales populos, quos Norfolcienses vocant, ad oppidum Sanctæ fidei, Nordouico non plus ter mille passibus distans, vir nobilis & copiosus, filius tertio genitum habuit Robertum. Hunc absente aliquanto diutius nutrice, relictum in cunis, quoniam erat perbellus, abstulit vaga mulier, suumque depositus. Sed non diu latuit furtum; ad non longè positam domū mendicans deprehēditur; fatetur lucri causa id fecisse, puer restituitur. Id in præcipuis beneficiis habuit deinde Robertus, Dei in se beneficentiam frequenter multoq; cum grati animisens commemorans. "Quid enim? aiebat, si apud vagam mansisset? quæ abiecte? quæ sine villa Dei cognitione, aut reverentia?

Quanta

Robertus
Southwelli
natales, e-
ducatio, in
gressus in
Societatem,